

摘藻堂四庫全書薈要

史部

欽定四庫全書薈要

史部

硃批諭旨卷七之一

詳校官編修臣繆晉

欽定四庫全書薈要卷七千八百七十七

史部

硃批諭旨卷七之一

硃批孔毓珣奏摺



雍正元年二月二十四日廣西巡撫臣孔毓珣謹

奏為奏

聞事竊臣鄒魯菲材至愚極陋伏蒙

先帝超擢今職任大責重惟有夙夜兢兢以期仰報

高厚於萬一欽惟我

皇上乘乾御極

景運維新伏讀

上諭至聖至明無遠不照臣身任封疆合將倉穀錢糧
地方情形據實奏

聞

一布政司貯庫歷年一切錢糧並無虧空蒼梧道
庫驛鹽錢糧亦無虧空其各州縣收存倉穀前撫
臣高其倬因歲歉平糶三十九萬石零未及買補

果如

臣所奏直省中可謂上等省分矣

臣到任後已買補十分之七雍正元年即可買足

亦不

一各州縣未經詳明自行糶賣之倉穀通省約四十萬石臣於到任後即嚴查飭催買補目下共已

補十分之四仍不時嚴催期於雍正元年秋成後

買足倘疲玩之員惟事因循不肯上緊買補勢須

叅劾

後方能補足臣當具本

後則斷不容仍留原任設法賠補

題叅

一廣西徭獍雜處頑悍無賴往往互相仇殺臣飭

令各屬多方誠諭如克惡不改者臣即設法擒處
俾知儆戒不敢瑣瑣陳奏屢瀆

是宸聰

捐之

一廣西省貢院向頗狹陋臣已率屬捐俸修廣併
一字朕甚不喜此一次既往不咎一切公務果係

當行

者即宜動用正項錢糧如不當行又何必奏聞此

恩科

之前俱可完工不敢支銷庫項亦不敢絲毫派擾

等累

民之舉向後永停必如此方為實心任事不負

皇

考之

簡用也

一廣西地處邊末兵宜精練臣到任後不時親身

諸凡

總宜據實方好

看操又軍器帳房礮藥等項臣皆陸續修整添造

照此

行去朕之耳目能周悉也

一廣西州縣官最為窮苦臣到任後各屬節禮一槩不收以期鼓勵邊員

右六條均應據實奏明伏乞

皇上教訓俾臣得免隕越永戴

聖主生成之德於世世矣臣謹

奏

朕於向日頗聞爾居官聲名今覽所奏甚為嘉悅但

勉之又勉堅守此志莫稍遷移以副朕惠養元元之意可也

雍正元年五月初九日廣西巡撫臣孔毓珣謹

奏為恭報雨水情形事竊臣查廣西省今歲自春入夏以來雨水調勻下隰高原咸獲霑足據各屬申報田禾栽插俱各得時目下早稻雜糧禾苗茂盛與臣訪查無異其收成之分數俟秋間再為報聞現今上米每石價銀八錢一二分次米七錢五六分

不等小民安業共樂太平理合奏報以慰

聖懷臣謹

奏

覽卿之奏深慰朕懷但一切必據實無隱方為可信爾等封疆諸臣日前慣作粉飾之詞以寬慰

皇考朕所悉知所以今覽此摺猶屬疑信相兼向後當體諒朕心凡事據實直陳幸蒙

上蒼垂佑值茲豐收之歲朕據奏即實實慰悅不然總在

疑信之間也爾諸卿其共諒之

同日又

奏為請

旨事竊查廣西省蒼梧道一缺管理通省鹽務最關緊要苟非清廉敏達之員難堪勝任有梧州府知府張若需操守廉潔辦事勤慎若以補授蒼梧道則於鹽政大有裨益更有太平府屬之左州養利州現今陞任員缺查二州俱界連安南地多瘴癘向

例南太慶思四府屬缺出將桂平潯梧柳五府內
選擇熟悉風土品級相當之員調補今五府屬之
知州內無合例可調之員查梧州府屬之博白縣
知縣佟世俊興業縣知縣王國祚俱係熟悉風土
清廉愛民之員若以佟世俊補授養利州以王國
祚補授左州實能有益地方至梧州府知府一缺
有桂林府同知徐嘉賓才具優長堪以補授其桂
林府同知一缺有陽朔縣知縣胡式瑗勤敏供職

堪以補授其博白興業二縣員缺查有丁憂靈川縣知縣柏宏智因係賢能前撫臣高其倬

題留在粵候補現將服滿堪以補授興業又宜山縣縣丞蕭坦光由臨桂縣縣丞因係賢員調補宜山三年俸滿現准部咨即陞之員堪以補授博白以上各員雖銜非越等而與例不符未敢具

題臣為員缺緊要有益地方起見用敢冒昧請

旨恩出

聖裁非臣所敢擅便也臣謹

奏

俱照爾所請諭部補授矣內蒼梧道缺業已部選殷邦翰爾奏稍遲再若請補人員須在部銓之前方好趙宏仁係有名劣員為何姑容待旨然後革退今因張若需居官聲名較殷邦翰頗優所以亦允爾所請至其餘各員均未悉其優劣念爾統率一省該屬員自必有深知灼見處始行奏請茲皆一一允行將來倘有敗檢虧空

等事亦皆惟爾是問此等保薦之員假若日後改易操
行切毋存回護之念姑息從事今日因其賢能而保薦
後日因其改易而糾叅正見爾之公正無私將朕此旨
轉諭伊等俾各知警懼時加慎勉庶不敢恃被薦在前
而稍有放縱也向後即遇應題之缺如不得人亦不可
苟且塞責如果得人雖係越例不妨密摺奏請但保薦
一事甚難已之一身尚恐偶因牽染而至不能把持何
況他人或懷銜玉求售之心掩其不善而著其善一被

愚惑他日受累不淺所以此一節斷不可輕忽而高興
於一時也朕將合省百萬赤子付托爾等督撫似此薦
舉數人有何可疑而不推心信任令爾等暢意舒懷以
治理朕之封疆但須還朕是好二字其餘細務俱可置
之不問其間設有徇情納賄假公濟私實據一入朕耳
則斷不從輕放過也勉之慎之

雍正元年六月二十日廣西巡撫臣孔毓珣謹
奏為奏明事竊臣標內舊有親丁步糧一百分曾經

奏明留為操賞兵丁修理添補器械帳房等用近接
奉

上諭蒙我

皇上以訓練士卒充實營伍為念臣敢不仰體

聖慈益加振刷臣隨即召募親加挑選已補過親丁步

糧六十分其臣標兩營器械帳房等物須不時修

理添補暫留四十分支用修補每季核算所有補

過親丁步糧名數臣謹

奏明其四十分應否暫留以為營伍公用或俱行補足伏乞

皇上批示遵行臣謹

奏

類此等事朕不便代立主意既將封疆重任委付爾等一切應行應革事宜憑爾等酌量為之只要通盤還朕一是字而已似此逐款逐件細務朕何暇籌畫及此爾在撫臣中可為優等但當於地方上實心竭力公勤不

懈行去朕自有鑒察何必於斯等小事上希朕見重耶
特諭

同日又

奏為謹陳下悃事竊臣率同司道各官捐銀五萬兩
解送西安藩庫幫助軍需一本不行預先奏

聞愚昧之愆實所難辭蒙

皇上不加罪譴歷來捐助之弊天下人之所共知朕初即位此風胡可

不禁爾若預先奏請朕斷不准行至於爾之居心為人

命內閣行文諭知臣不勝悚惶感激伏念臣以庸材受

聖

與別人不同清者自清濁者自濁但因事同一轍不得

祖仁皇帝厚恩我

皇上

不防微矯輿之意耳無庸畏懼

御極以來又荷

特恩非常榮寵感激圖報之忱銘肌刻骨臣到任以來
凡州縣節禮槩未收受惟桂平潯梧四府每年共
有橋稅幫費八千兩歷任撫臣俱收為養廉之費
又布按二司及蒼梧道節禮每年共銀三千五百
兩臣到任一載共收銀一萬一千五百兩因見西
陲用兵急公念切是以未經預先奏

聞今接內閣知會恐地方官捐銀有科斂民間之處仰見我

皇上愛養黎元之至意臣幫助銀兩係臣收存之項斷不敢科斂民間其各官幫助銀兩實係俸工亦無科斂謹據實

奏明至臣每年用度不無所需所奏二項應否仍畱以資微臣用度是又

皇上格外之洪恩也臣謹

奏

朕自御極以來凡督撫諸臣此等奏摺俱置之不覽爾
督撫權操一省非比微員其取予辭受豈可以法繩而
數限耶況從來有治人無治法朕但向爾等責成一好
字而已封疆大吏一切賞勞兵弁資養家口幫助親朋
諸凡應酬及部費等項何可枚舉朕豈不諒之爾等取
所當取用所當用不悞國計不累民生不至於貪婪枉
法一任權宜節慎為之朕斷不忍加罪也若欲指示某

項當取某項不當取朕實不知亦斷無此理爾乃有守
有為之好撫臣亟宜加勉自愛不必在此等細微處於
朕前留心特諭

雍正元年七月十六日廣西巡撫臣孔毓珣謹

奏為請

旨事竊惟馬平縣為柳州府首邑獐多民少兼之提督
駐劄兵民聚集必需能員料理查現任馬平令侯
靖書生初任謹飭有餘而才具不足臣在柳州訪

之輿論俱云前任馬平縣知縣章曾印在任時辦理地方頗稱安妥查章令係康熙六十一年護撫臣王沛懌

題准終養在案

臣聞章令之母尚在強健章令因馬

平地方淡薄而難治恐其有累故到任未久隨告終養而章令任內有督臣楊琳委銷帑鹽尚未銷完現今尚留粵西臣思其才既與地方相宜未便任其避難而去可否令章曾印仍任馬平縣事以

資料理其現任馬平令侯靖或令其赴部另補或
令其留粵俟有簡僻小縣缺出容臣

題請補用伏乞

皇上批示遵行臣謹

奏

侯靖如尚屬可用留粵題補若實係平常令其赴部將
章曾印具本題補可也

同日又

奏為恭報早稻收成事竊查廣西省早稻於六月下旬已經登場收成有七分者有八分者有九分者通計約有八分收成目下雨水調勻晚稻及雜糧俱生長茂盛上米倉斗每石價銀六錢四五分次米價銀六錢一二分不等邊土黎民無不欣欣樂業理合據實

奏報以慰

聖懷臣謹

奏

今歲直省之收成多半出於望外朕惟以手加額感謝
上蒼垂佑並

皇考在天之靈默為蔭庇惟有益加乾惕期與諸卿共相
加勉耳

同日又

奏為奏

聞事竊臣聞廣西提鎮標兵空糧頗多營伍廢弛因知

之未確未敢輕率奏

聞今臣署理提督印務親身赴柳細為清查糧餉器械
盔甲等項看驗弓馬鎗礮應料理者臣即便斟酌
舉行其細小之事不敢瀆奏謹將營務中之緊要
者據實一一

奏明

一定例自提督以至千把所食親丁名糧各有定
數臣到柳之後即行清查俱多逾例臣已飭令募

好

卷七之一

補共陸續補過名糧三百零二名惟是臣思提督
為封疆大臣且在邊地每年不無用度即叅遊以
下亦各有用度若令盡行照例招補恐有不敷我
皇上體恤臣工無不備至或許各員於定例之外量加

親丁名糧之處

爾酌量損益之可也此等事朕如何抗諭
洪恩出自

皇上臣未敢擅定仰祈

睿鑒批示遵行

是極

一額設制兵必須名名精銳方不虛糜糧餉臣查
驗提標兵丁內有年老力衰者現在陸續裁汰挑
選壯健之人頂補并移鎮臣及通飭各協營一體
遵行

一營伍器械最屬緊要而輕重長短之制又須與
人力相稱方裨實用臣查驗提標現在鳥鎗觔數
過重難於施放臣擬另造鳥鎗一千五百桿分給
兵丁更驗各兵腰刀全無鋼火臣擬將五營舊存

廢壞軍器并舊鳥鎗銷燬打煉購買鋼鐵另造腰

甚是
刀二千口散給衆兵

一提臣左世永所製鐵綿盔甲本屬不敷臣今招

募新兵補額又需盔甲擬另造鐵盔甲一千副散

是
給各兵

一提標舊有大礮已飭令各營蓋房收貯又有子

母礮二十二位因年久俱已鏽壞臣擬造二十五

是
位分給五營收貯

一臣考驗提標鎗手俱極生疎細究其故知火藥鉛子俱係本兵自備是以無力勤加操演臣今用公費銀製辦火藥鉛子官給各兵則操演勤而技藝漸至嫺熟矣

應如是

一臣總計製辦鳥鎗腰刀盔甲礮位并蓋造貯礮瓦房等項約共需銀五千四百六十兩零查得提標原有公費糧一百五十分臣到柳細查此項從前餉銀已經用完尚存從前糧米至夏季止共二

馬振
奏可也

同進屬可惡其侵扣之項若不照數繳出具奏
提督印務時扣去本年夏季親丁餉銀一千九百

千四百五十二石本年秋冬二季又該公費米二
百六十六石共可變價一千六百五十餘兩至本
年秋冬二季又該有公費餉銀九百兩零連前米
價共銀二千五百六十餘兩再總兵馬振圖署理
三十餘兩此項銀兩不便令其入已現今差員往
索俟其照數繳足湊辦軍裝各項所少無幾再臣
署理提督印務所有親丁糧銀米除操賞之外如

實為可嘉

有餘剩悉充營伍之用至於監甲臣已差員往廣東製造其刀鎗礮位業已僱覓鐵匠於十五日設局興工矣

一營員中賢否不一不能無所舉劾臣查提標內有廢弛營伍行止不端者

題叅以警其餘至中軍叅將蔡成貴清查糧餉料理營務任勞任怨勤慎不欺現今增造軍器該員又實心經理目下提標事務正需整飭仰祈

皇上已擢授該省副將矣任爾酌量調用賞予加銜仍管提標叅將事以示獎勵

廢弛

以上各件臣目擊提標情形就臣愚見為之料理
之處朕所悉知粵東為尤甚
惟是營伍廢弛已甚即竭力整頓非一時所能奏

效臣署理不過暫時伏乞

皇上嚴飭提鎮兩臣專心振刷庶成節制之師無負
聖主愛養兵民之實意也至鎮標各協營散處各郡其
應行整飭之處容臣細訪具

奏合併聲明臣謹

奏

詳閱所奏欸欸可嘉向聞爾撫標營伍可稱天下第一
今用爾為廣西提督兼理巡撫事務爾其從容一一整
理臨諭曷勝嘉賞之至

同日又

奏雍正元年六月十七日新任廣西布政使劉廷琛
到粵口傳

諭旨臣敬謹跪聽一一凜遵理合

奏明臣謹

奏

知道了劉廷琛人頗謹愨但才具甚屬平常時加教導
留心試用如不能稱職密奏去之

同日又

奏為恭繳

御批奏摺事竊臣前奏請將張若霈等補授蒼梧道等

缺蒙

聖恩允臣所請家人齋摺回粵臣跪讀

御批戴

天恩之浩蕩感

聖訓之周詳我

皇上保全臣子不啻天地父母令臣感而欲泣遵即於
所舉諸人內有現在省城者傳集臣署將

御批之意反復訓誡各該員無不感激

皇恩爭相奮勵惟是知人不易誠如

聖明洞鑒嗣後所舉各員內如有改易操守行止臣即
便

題叅不敢瞻徇至臣身任封疆其責甚重惟有恪遵
聖訓精白一心亦何敢納賄徇私以負

天恩自取罪戾也所有奉到

御批奏摺理合恭繳臣謹

奏

朕雖未睹爾面聞爾聲名已久近覽奏摺諸凡料理合

宜乃封疆大吏中實心任事之臣甚屬可嘉極宜加勉
勿怠朕非負人之主

雍正元年七月二十九日廣西巡撫臣孔毓珣謹
奏為奏

聞事竊臣赴柳署理提督印務所有料理提標營伍事
宜業經具摺

奏明今臣據護理左江鎮印務平樂協副將王天益
將該鎮標缺糧細數具報到臣臣查所開各官親

丁名糧逾例甚多隨即咨會護鎮臣挑選精壯陸續頂補但提標各官親丁名糧臣前曾

奏明或於定例之外量加親丁之處

洪恩出自

皇上統俟

此等事朕不便批示前諭已明

聖恩批示到日鎮標自當一體遵行至鎮標公費糧四

營共一百三十六分書辦紙張火藥百隊等項糧又共有七十八分亦屬浮多其中應留應補之處

新鎮臣邊士偉到任在即容臣咨商裁補所有護

鎮臣王天益所開鎮標缺糧清單理合進呈

閱所開清單甚屬詳悉
御覽伏乞

皇上睿鑒臣謹

奏

今命爾總督廣西諸凡徐徐次第整理至將弁之名糧
須酌量去留必令各得養廉方為允當營伍中但能操
習嫻熟器械整齊亦何必在此瑣屑處計較總要爾酌

中為之特諭

同日又

奏為奏明剿除兇獍事竊查柳州府屬雒容縣地方
之東塘村獍賊莫貴鳳者兄弟子姪及族姓人等
共居一村恃強剽奪不法多端相近之馬平柳城
永福等縣良民每受其害地方官差役拘質竟抗
拒不服臣署理提督印務到柳查東塘村距柳州
府城僅八十里豈容兇獍逞強肆行擾害若不急

好惟

恐不確

為擒拏良民受害愈深萬際璋居官何如向問其因即委右江道萬際璋中

軍叅將蔡成貴帶領官兵六百名鄉勇二百名於

七月十五日到東塘村攻圍剿捕當場殺死獐賊

甚好

二十五人活擒莫貴鳳等一十八人毀其村寨而

還臣隨訊明各供尚有餘黨逃脫未盡就獲若不

即行正法無以威服羣獐臣於七月二十日恭請

是王命旗牌供奉將莫貴鳳等押赴市曹處斬示衆訖餘

黨現在搜捕理合具摺

奏明再獐人肆惡剽奪拒捕總因歷年姑息太過以致養成黨羽尚有數處鴟張無忌者臣當仰體

皇仁剴切曉諭如仍不悛在柳慶等府者臣即會商提臣發兵擒處如地近桂林者臣即遣臣標官兵擒處庶獐人不敢為匪良民得安生業矣為此繕摺奏

聞伏乞

睿鑒施行臣謹

奏

覽爾一切奏聞暨所料理之事洵屬實心任事之封疆大臣朕深為嘉獎至此案了結尤為得體允當之至

雍正元年九月二十八日廣西總督兼理巡撫印務臣孔毓珣謹

奏為遵

旨回奏事竊臣蒙

皇上將條陳廣西鹽政奏摺發臣留心籌畫密摺奏

聞臣謹查得廣西各處鹽價部定自一分二釐至二分六釐不等以產鹽處所道里之遠近而定價值之低昂僻遠難運之地加增二三釐亦或有之若云貴至四五分六七分及屢月無鹽則實無是事也至條陳所云設官產鹽之地將鹽引即於本地徵課商無定名聽民買賣惟是既聽民便恐荒僻處所販賣者不至小民有淡食之虞而無有專責恐通省額引未能盡銷有虧

國課等語查廣西鹽政實有與官民不便之處臣仰
體

聖慈再四籌畫所有微臣管見另具摺奏
聞是否可行仰祈

睿鑒臣謹

奏

詳覽區畫之策甚屬妥協

同日又

奏為恭報晚稻豐收事竊查粵西各屬晚稻於九月二十日前後陸續登場其收成有七分八分九分不等約計通省收成八分有餘米價各屬不一倉斗每石銀自五錢五六分至六錢六七分不等兵民安樂共慶豐年理合據實奏報以慰

聖懷至從前各屬所虧倉穀趁此豐收現在竭力設法嚴催買補還倉合併奏

聞臣謹

奏

該省有爾如此督撫表率一方自當感召

天和獲蒙

上蒼錫佑也

同日又

奏為欽奉

上諭事臣蒙

皇上頒發

密諭二道臣跪讀之下伏見我

皇上九重萬幾無刻不以閭閻之疾苦為念欲使四海之內熙皞成風無一夫不獲其所也竊惟社倉一事為濟衆備荒極善之政臣仰遵

聖諭輾轉圖維請先行常平借貸之事而漸通乎社倉之法臣查粵西各州縣俱積有常平倉穀請於明歲為始將此穀大縣以二千石為率中縣以一千

六百石為率小縣以一千二百石為率令州縣官
於春耕時小民欲借者零星借給秋收還倉豐年
還息歉收止還借本荒歲則緩俟下年還本如是
三五年必有贏餘其贏餘之數即分貯四鄉建造
社倉擇里中老成信實者為社長司穀之出入收
息免息悉依前法日久穀多一方可無饑饉之患
矣臣未敢通行謹遵

旨將州縣中之明白者選擇數人行之以期漸次通行

至於保甲一事乃弭盜安民之良策臣謹遵

聖諭先於城市鎮店漢民聚集之處舉行查編至於各州縣鄉村因粵西地廣人稀山多田少零星散處又有獐獍雜處之地未能一體編立臣因細加查訪各屬鄉村居民向有團練堡目款頭之設雖名色不同而借以禦盜則一其下又有鄉勇村大者十餘名村小者五六名屬團練人等統率近因日久廢弛臣請隨其土俗令府州縣官將原有團練

堡目款頭鄉勇人等查有誠實強幹者留之如不堪勝任者汰之另為選補以備捍衛設盜賊竊發若能奮勇擒獲者報官獎賞倘有怠惰必加議罰如此則賞罰既明人自踴躍徭獍亦易於遵守其於弭盜安民亦同保甲一轍也臣才識短淺謹就粵西所宜敬抒管見具摺回

因地制宜甚好
奏是否允協伏乞

睿鑒指示臣謹

奏

覽所奏二事悉中機宜嘉獎之懷筆莫能罄

雍正元年十二月二十六日廣西總督兼理巡撫
印務臣孔毓珣謹

奏為請

旨事竊查柳州府屬來賓縣新舊王二白藤三村居近
江濱獐賊覃扶成等糾衆駕船於江上行劫當據
客民白際和等控告來賓縣差拘詎兇獐恃險放

鎗不服拘喚該縣詳請撥兵擒拏臣隨咨會提臣
韓良輔委梧州副將蔡成貴帶兵前往臣又委右
江道萬際璋協同擒拏去後嗣准提臣咨覆先後
拏獲獍賊共六十三名并據右江道申報相同臣
即檄飭解司勘訊臣復加親審查覃扶成等雖行
搶刦並未傷人臣仰體

皇上如天好生之心請將為首之覃扶成韋道奉等八
名俱照苗民白晝搶奪聚衆不及五十人亦無殺

死人命例各枷號兩個月責四十板為從之李妙
慶等三十三名各枷號一個月責三十板仍於各
犯名下追贓給主其李念通等二十二名審無搶
應如是可謂寬嚴兩得刳情事先行省釋以廣

皇仁抑臣更有請者獍民賦性兇惡恐枷責滿日放回
本地未必俱能改惡從善請將覃扶成等一併僉
更為處置合宜

妻分發粵西各州縣收管量給食米充當撫丁每
月朔望州縣點卯稽查既各有約束又散其黨類

庶不至再行為惡也臣愚昧無識未敢擅便統候
皇上睿鑒指示遵行臣謹

奏

知道了照所議行

同日又

奏為粵西倉穀補足恭請

遣員盤驗事竊照廣西各州縣存倉穀共一百六十萬
石有零前撫臣高其倬因歲歉平糶又有各州縣

未經詳明糶賣並紳衿里民借領穀石臣曾具摺
奏明臣上緊催補今各州縣將欠穀於歲內已完十
分之九通計所少不及十萬石明歲二月俱可全
足即或不能全足亦不過二三州縣以及民間零
星尾欠臣謹具摺

奏明恭請

必遣官盤驗而後見信可謂笑談
皇上遣員於三月內到粵盤驗伏乞

睿鑒施行臣謹

奏

倉穀催補有方朕深嘉之

同日又

奏為欽奉

御批事竊臣欽遵

諭旨查得右江道萬際璋係福建人年六十二歲精力
尚健居官勤慎人亦老成為此繕摺據實

奏覆臣謹

奏

萬際璋據奏已悉劉廷琛白洵何如猶能稱職否斯二人皆係中材因粵西事簡省分又有爾統率指示故試用之如小心謹慎猶可姑留若併此不能則棄材也絲毫毋為容隱據實奏聞

雍正二年三月初九日廣西總督兼理巡撫印務
臣孔毓珣謹

奏為欽奉

御批事竊臣於雍正元年六月內布政使劉廷琛赴任
到粵口傳

上諭臣具摺回

奏於九月內接奉

皇上硃批知道了劉廷琛人頗謹慤但才具甚屬平常
時加教導留心試用如不能稱職密奏去之欽此臣
因劉廷琛到任未久其賢否未能深知不敢草率

回

奏今已數月見其居官安靜辦事勤慎錢糧清楚臣

謹奏

聞至按察使白洵到任亦將數月該員為人樸實居官
安靜辦事勤慎合併

奏明謹

奏

知道了伊等隸爾屬下所謂形端表正即中材亦可化
導為良吏也

雍正二年四月十九日廣西總督兼理巡撫印務

臣孔毓珣謹

奏為恭繳

御批奏摺事竊臣於本年三月初九日已將劉廷琛白
洵二人居官為人辦事之處具摺奏

聞續於臣奏右江道萬際璋摺內恭奉

皇上硃批命臣將劉廷琛白洵居官如何之處據實奏
聞欽此臣謹查得劉廷琛白洵二人現今居官實在

小心勤慎恪供厥職理合再行

奏覆并恭繳

硃批臣謹

奏

知道了如此甚好朕亦聞伊二人猶屬小心供職但劉廷琛前於按察司任內有一二事甚為不妥

同日又

奏為恭繳

御批奏摺事竊臣前奏粵西倉穀補足恭請

遣員盤驗一摺欽奉

皇上硃批臣跪讀之下仰見我

皇上信臣之深臣惟有益加小心勤慎以仰酬

恩遇於萬一所有通省倉穀去冬約計有二三處未能
補足今逐倉盤查尚有四處雖未買足亦皆有項
抵補理合

奏明今當小民耕種之時臣現遵

旨通行各屬借穀舉行社倉合併

奏明所有奉到

御批理合恭繳

臣謹

奏

社倉之舉萬不可急驟切勿強民惟聽其自便所收數目亦勿令地方有司造冊存案徐徐勸導行之一二年後俾百姓不疑不畏胥踴躍樂從方可望久遠遵循而收實效也

諭兩廣總督孔毓珣朕自御極以來觀爾料理粵西諸務悉屬實心任事毫無瞻顧因循一切章奏亦甚明白切當即欲擢爾總督兩廣但

皇考所用內外諸臣凡無甚大過者朕皆保全冀其自新楊琳總督任內尚無貪酷形跡念係熟練地方之人未忍遽去然其為人不識大體每好護其已往之咎因循自便任諄諄教誡不肯傾吐肝膈振作舊習正在去留未定間而遺本已至矣廣東風俗百姓不以盜竊為恥

近年竟至刦掠公行乃地方大吏十案外結八九兵弁
不被賞罰勸懲孰肯用命兼之武備廢弛不堪而小民
魚鹽之利又盡為官有資生無策故易為不安分之事
至於官常中舉劾百無一公此所以吏治民生均至不
可問也目今合計直省地方之淳澆廣東為第一難治
且境接海洋如西洋人之安插亦未甚妥外來之洋船
發放尤屬不當一切不可枚舉今命爾總督其地爾其
盡心竭力一一料理至年希堯董象緯輩皆不必懷畏

讓之念朕果若親信伊等即用伊等為總督矣何得及爾年希堯庸愚無識自以為能被楊琳所籠絡將從前弊政皆代為隱飾董象緯初到地方一切未諳爾在粵西比隣數年自必周悉無遺諸凡措置當自立主意倘伊等不肯同心興利除弊少有掣肘處密奏以聞朕即行遷調若應手無阻爾等文武共相協力和衷必將一切吏治民生治理盡美盡善方愜朕意朕今將粵東地方交付爾矣

茲有金鐸梁文科等條奏粵省數事并楊琳前奏未了事件俱發爾詳細酌定具奏廣東不比廣西任久熟悉雖係切近隣省不過得之傳聞究未身經目覩諸務必匆忙朕不急求速效到任逐件明白後徐徐籌計允當再行奏聞三年有成不為遲也

所奏未銷鹽課一事已諭部交新任撫臣李紱料理粵西揀發人員之奏照依所請諭李紱帶往劉夢正亦經發往任爾於兩省中委用粵東又命揀發數員前來備

用但揀發之員俱非朕深知灼見之人不過觀其文字
言談相貌而已況已舉行數次其中不無營謀之弊今
既受朕揀選之恩即當立心向上方不辱命若行止少
有苟且是乃下愚不移之流更當加倍處分倘或若輩
倚恃揀選及憑仗請託而不實力奉公爾等又念係揀
選之員曲為姑容則為害不淺大失朕命往之意矣前
者誥岷叅劾許多揀選人員朕甚嘉之爾等當效法伊
如此居心可也所叅羅士奎已諭部發粵交該撫嚴審

定擬矣爾於此等處朕實深加獎許全無漢官推諉瞻
徇習氣甚有古大臣之風真不愧聖裔也勉之莫移此
志

再者原任左翼總兵金鐸未悉向日居官如何有言其
性情直率不肯阿附同官作弊因被中傷者又有言其
在任聲名甚屬不堪者輿論不一爾於無意中留心訪
詢確實奏聞原任道員沈澄亦細加訪察具奏以閱年
希堯董象緯二人優劣何如之處一併據實奏知以上

所諭俱當密之勿宣

雍正二年閏四月初九日兩廣總督臣孔毓珣謹

奏為仰懇

聖恩調補道員事竊臣以菲材陋質蒙

聖恩畀以兩廣總督聞

命自天感激無地伏惟兩廣地方遼濶事務繁多臣材

小任重益深惶恐惟有竭此丹誠以仰酬

高厚俟到廣東之後凡有應奏事宜另摺請

旨遵行惟念兩廣鹽政裕課培商最關緊要現在運使孔興璉係臣族叔例應迴避必得一才守兼優之員方能勝任臣查廣西右江道萬際璋才足以清課守足以恤商仰懇

聖恩准將萬際璋就近調補廣東鹽運使甚有裨益如蒙

恩允則右江道員缺亦屬緊要並祈

皇上特簡賢員令其作速到任則兩地皆收得人之效

矣為此繕摺請

旨伏乞

睿鑒施行臣謹

奏

照爾所請已諭部矣

同日又

奏為恭報雨水情形事竊查粵西自春及夏以來雨水調勻處處霑足二麥豐收早稻俱已栽完晚稻

現在及時裁插通省米價上米倉斗每石價銀七錢七八分次米每石七錢一二分不等兵民安業共樂太平理合

奏報以慰

聖懷臣謹

奏

覽雨水米價情形深慰朕懷

同日又

奏為奏

聞事竊提臣韓良輔奉

旨署理廣西巡撫印務仰見我

皇上知人善任其左江鎮臣邊士偉到任之始臣聞其
留心營伍臣曾經大槩奏

聞數月以來空糧俱已招補訓練亦勤旗幟甲械咸各
添造鮮明此係邊士偉居官好處惟是待下多驕
矜之氣遇事每欠分明是以官兵多不悅服臣與

提臣韓良輔俱經勸誡今已稍改理合

奏明臣謹

奏

如此直奏方見據實無隱爾其推誠勸誡朕遇便亦必
另發訓諭命伊悛改

雍正二年六月初七日兩廣總督臣孔毓珣謹

奏為籌畫辦理地方公務斟酌兩全之法據實

奏明事竊查廣省辦理一切公務銀兩經前督臣趙

宏燦撫臣楊琳公議每年將知縣以上俸工捐出
解司辦理今奉

旨俸工一槩停捐仰見

皇上優恤臣下之至意臣等何敢瀆陳惟是廣東每年

始初

實有應辦之公務如辦解紫榆花梨錫觔白蠟廣

員無

膠各項除開銷正項之外應計貼補銀一萬二千

九百六十一兩零又辦解降香應貼補銀六百四

十一兩又辦解廣錫應貼補銀七百九十兩又辦

解京銅五十五萬四千餘觔除部價每觔一錢四

分五釐水脚每觔三分外每年視銅觔之盈縮定

銅觔

一項惟言義餘何如耳焉用貼補貼補之多寡雖難逆料均須貼補方能竣事又貼

補走遞京報部文塘兵及提塘工食銀二千二百

向經

三十三兩零又修理戰船內軍器火藥及正九兩

年

月礮臺演放大藥先經題明於俸工內動支每年

尚屬

約一千兩又文武兩闡鄉試應貼補銀三千兩又

遠年虧空產絕無人無可著追者部行分年完納

補經

之巡撫辦理無術則不能濟矣

即應公貼至於城垣堤岸遇有倒塌衝決外海戰

海船

間係和收陸路兵餉所辦之事何得借詞

船遭風擊碎逐歲俱有凡此皆應辦之事臣等傳

集司道公同核算各項減無可減現今俸工停捐

爾等

督撫大吏尚束手無策州縣何能辦集無可支應若令州縣分辦恐致有累百姓而物料

解部各有定限臣等身在地地方何敢遲悞再三籌

畫議以民壯工食一項遵

旨實發并徵員苦役俸工照舊不捐外其自知縣以上

俸銀及別役工食仍行捐解司庫以為辦理通省

非以公完公乃以私完私也

兩全

之說不過督與撫耳於國計民生屬員毫無干涉

姓因勢處萬不得已作此兩全之法臣等不敢隱

匿理合據實

奏明謹

奏

此事朕不便批諭要須爾等詳籌熟計公當為之果爾等督撫於地方上類此細務竟至於力不能辦亦朕所樂聞但恐未必然也

王朝恩司庫錢糧一摺暫留中王朝恩不日到京見朕
伊若甘心賠補令其完結如原係地方上因公那用仍
應爾等在於地方上料理豈可諉卸於陞任之人耶此
事經年希堯圖理琛會同奏明在前若竟著落王朝恩
賠補似屬未協候朕向伊詢問便中批諭爾知

同日又

奏為奏報早禾收成米糧價值事竊照廣東一歲兩
稔本年夏秋大雨時行現今早禾收畢合省高低

田地俱有九分收成晚禾亦現在栽插米價廣惠潮肇等府每石七錢八錢不等高雷等府每石五錢六錢不等理合

奏報臣謹

奏

覽奏收成分數朕懷甚慰

通政司右通政臣梁文科謹

奏為謹陳粵東事宜事竊查廣東省地處海濱水

多田少偶遇歉收之歲民間便苦乏食故凡可
以為民生衣食計者皆須預為籌畫使百姓平
日有餬口之計庶臨時得免饑餒之虞盜賊可
以稀少地方可以安靜查廣東各處地方不在
海邊即在河畔所產魚蝦之類俱可供小民衣
食之資向來勢力豪強之人凡有田地近河近
海者懇求地方官批給執照每年納糧數斗竟
將近河近海之處佔為己業不許窮民採捕致

此事當

令海邊無業窮民資生無策流為盜竊若將近

河近海

凡豪強霸佔之弊嚴行禁止任人採捕

資生雖有些微課稅悉與豁除則窮民咸感

聖恩於無盡矣再查廣東各處山內出產鉛錫原係

此事甚

有關係據管源忠諄諄言其不可但梁文科了

一老成

人且在廣年久未必肯孟浪多事亦不但梁文

科如此

創挖則民間無此生業矣嗣後似應任民創挖

以為餬口之計但須設立文武雜職弁員駐劄

廠內嚴查出入不使其為匪可也再查香山縣

澳門地方明季嘉靖年間租與紅毛居住屢年
以來戶口日增居心未必善良不可不嚴加防
範以杜隱憂今宜設一弁員在澳門彈壓凡外
洋之人只許往來貿易不許久留此地并不許
內地奸民勾通紅毛夷人為匪則地方安靜庶
不致有意外之虞矣是否可採伏候

覽

聖裁謹

奏

發來條奏三款爾其詳細訪詢籌計妥確具奏以聞

雍正二年六月二十四日兩廣總督臣孔毓珣謹

奏為遵

旨回奏事竊臣蒙

皇上發到通政司右通政臣梁文科條奏敬陳粵東事

宜一摺

硃批發來條奏三款爾其詳細訪詢籌計妥確具奏以聞欽此查原奏內稱近河近海之處被勢力豪強批

照納糧佔為己業不許窮民採捕請嚴行禁止一條臣細查廣東各屬內河地方並無毫強霸佔之處無庸置議惟外海原無稅糧向有豪強地棍認納魚課霸佔海面號為海主港主前督臣楊琳業已查禁革除海主港主名色有福建投誠漢軍公鄭克塽家屬以奉部行分定為詞佔管南澳海面經督臣

題請永禁於雍正元年十月內欽奉

嚴旨之後不特鄭克塽家屬不敢生事即沿海豪強亦

雖暫時遵奉恐日久仍復違禁當不時嚴查為是

俱斂跡臣惟奉行稽查倘有豪強佔管內河外海

不許窮民採捕者重加懲處以恤窮民又原奏內

稱廣東各處山內出產鉛錫任民創挖以為餬口

之計一條查廣東田少人多窮民無以資生鉛錫

等礦原係天地自然之利所以資養窮民臣愚以

為棄之可惜不如擇無礙民間田地廬墓出產鉛

錫之山場招商開採俾附近窮民可藉工作養生

前諭甚意奉旨開採之說斷然不可并堪抽收課餉實係有益無損臣於到任後具疏
題請應俟奉

旨到日遵行又原奏內稱香山澳門居住紅毛人戶口
日增宜設弁員彈壓一條臣查其地原有香山協
把總一員帶兵五十名防守又澳門內旱路十餘
里地名前山寨設有城池關閘不容西洋人擅入
內地現有都司守備帶領兵丁駐防四面安設礮
臺控制是原有官兵彈壓惟嚴飭用心巡查無庸

另議安設矣惟是康熙五十六年定例禁止南洋
不許中國人貿易澳門因係夷人不禁獨佔其利
近年每從外國買造船隻駕回貿易船隻日多恐
致滋事臣擬查其現有船隻仍聽貿易定為額數
朽壞准修此後不許添置以杜其逐歲增多之勢
容臣另

題請

旨飭行至於外國洋船每年來中國貿易者俱泊於省

前有

西洋人乞恩一摺亦發爾等議奏

城之黃埔地方聽粵海關徵稅查貨並不到澳門

灣泊也梁文科所奏三條俱切中粵東時事理合

逐一回

奏臣謹

奏

知道了爾等封疆大臣料理地方一切事宜當於遠大處熟籌深計凡出一令舉一事必期永久可行有利無害方好不可止顧目前小利或被庸愚屬員無知小民

一時謬論所煽惑也要須酌量輕重詳審始終必深知灼見洞徹其微然後施行方免失悞慎毋造次輕舉勉之慎之

同日又

奏為遵

旨回奏事竊臣欽遵

密諭查得撫臣年希堯居官謹慎小心提臣董象緯臣未曾會面聞得不留空糧約束兵丁亦嚴臣初到

廣東所知者乃其大槩容細察確實自當不時陳

閱此堪發一笑

奏又原任左翼總兵官金鐸離任已有十年臣於無

意中探問營內兵丁多有感激者細問其故因金

鐸當日全不操練兵感其寬也且好飲疎懶在任

尤為可笑

及巡海之年地方洋面失事甚多大約行不逮言

原任雷瓊道沈澄臣初到時見過二次詢以地方

情形利弊應對明白似有才幹者至其在雷瓊居

官如何俟臣察訪詳細另行具

奏緣奉

密諭事理合先回

奏臣謹

奏

知道了所奏公確另奏漁船一摺留中朕意尚在未定
仍須詳悉斟酌大約禁止為是切勿暫弛得旨後遵奉
而行

雍正二年七月初九日兩廣總督臣孔毓珣謹

奏為奏明事竊照前任督臣楊琳任內承養

內廷効力法瑯匠楊士章等十一人俱家住廣東向
來各匠家屬每季赴總督衙門領取養家銀兩各
匠在京房屋飯食俱為供備逐日進

內廷做工今臣蒙

聖恩補授兩廣總督循照舊例在京在廣一體給養理
合奏明謹

奏

爾地方中之民人効力內廷照看亦屬應當家口在廣
照例給養可也至於在京之匠役領取用度甚不合理
不但粵東一省即別省者朕俱降旨察明賞賜錢糧房
屋及一切養贍之需自明歲正月始爾可無庸照管其
住廣之家口每名一年所需若干如何給養之處亦當
奏聞一者恐小人無厭之求爾等難滿其欲二者或爾
等因係部下該管縱失於照看亦何敢言竟至給養缺
乏小民離家數千里來京供役家中妻子身受饑寒亦

朕心所不忍將所需之數奏明則兩無礙矣

同日又

奏為奏

聞事竊臣欽奉

諭旨廣東風俗小民不以盜竊為恥近年刼掠公行武弁不見賞罰孰肯捨命從事臣跪讀之下仰見

皇上於廣東民情吏治洞悉無遺臣朝夕凜惕思所以挽積習而報

聖恩嗣據順德營縣報稱本年五月內有譚德五等客船在獅含口被刦經順德營兵追趕全獲盜犯梁亞月等七名賊物悉行奪回等情臣即提到各犯親審供認不諱并查俱係積賊若待

題請正法尚隔數月奸民不知畏懼臣隨於七月初三日請出

王命旗牌將積盜梁亞月等七名押赴市曹處斬示衆其率兵捕盜之管隊立即拔補把總守兵等即補

戰糧給銀犒賞并通行曉諭使知犯盜立即正法
捕盜得有重賞以示勸懲臣因多盜地方起見不
得不如是權宜振作理合奏

聞臣謹

奏

爾初到地方上如此振作一二事猶可若竟以為常則
不可正法後亦當即行補題何則一者人命重大例應
內外察核二者恐人猜議斃盜滅口諱大事為小事爾

亦承當不起若監候請旨而外有黨援或慮意外疎虞則當權宜為之亦須一面施行一面將情由據實奏明為是此所奏知道了辦理俱好至於地方上人命盜案萬不可隱諱以及私和暗銷宜留心詳加訪察所屬境內如有此等情弊即將該員嚴行叅處

兩廣總督臣孔毓珣廣東提督臣董象緯謹

奏為回奏事臣董象緯條陳水師守備等缺仍揀選水師人員以專責成副將叅遊勿拘水陸惟將幹

員題補一摺奉

皇上硃批水師難於得人即陸路亦屬不易此事甚有
關係大半總督之責與孔毓珣商酌可也欽此臣等
公同酌議西北之人長於馬上自幼不經水面一
至海船輒頭暈嘔吐站立不穩副將叅遊有督率
巡哨領兵追捕之責若登舟畏難安能率屬督兵
向例水師缺出仍於水師中遴補有不得不然之
勢然諳練水性又兼才具優長實心任事者實難

此議

甚是

其人臣等伏思生長雖有異地習慣則成自然嗣後陸路將備千把內有情願在水師効力者令其具報於每年出洋巡哨時一同演習行走多次果

能衝風破浪不暈不懼可以發縱指使則陞調水

弓馬

或可不論漢仗仍要選擇

師水師所重在便捷有膽氣而弓馬漢仗則其次

也再查廣東外海水師副將六缺遊擊十一缺如必論缺論銜照例補用並無合例可補之員併請嗣後外海員缺果有智勇兼優熟諳水性者准其

此議

亦是然必秉公方收實效也

越缺陞補人情功名念重自必留心水性勤習出
洋久即相安熟能生巧則水師自可收得人之效

矣緣奉

諭旨商酌事宜理合回

奏謹

奏

合詞具疏題奏

同日又

奏為回奏事臣董象緯條奏水師虧欠每借口於捐修船隻請將通省應發馬價藩庫每匹扣存三兩如遇遊巡船隻因風損壞該營詳明督撫於扣存馬價內赴領修葺等因奉

硃批此事亦當與督臣斟酌今將陸路之錢糧修補水師之船隻一者恐陸路兵弁不甘二者恐水師中小人輩見現有修補之項不費已資因而隱匿捏報等弊不能保其必無似非良策也欽此臣等酌議水師

船隻因海上颶風歲有舉發擊損沉沒無歲無之
未到修造之年不便槩動正項錢糧從前督撫定
以文職捐賠七分武職三分或至出洋緊急不及
等候捐修自為補葺水師不無賠累臣董象緯所
以請將陸路馬價每匹扣存三兩以為修船之用
原為以公完公起見查廣東通省歷年倒馬報銷
總在一千四百餘匹之內臣等細詢每年所倒之
數實不止此因定額已久不敢多報而馬匹未過

三年倒斃者例有賠椿銀兩各營馬兵以多倒之馬不准開銷遂立私朋名色每月散餉時馬兵自行扣貯遇有應賠椿銀及不准開銷馬匹於私朋銀內動用迨日久弊生凡遇倒馬竟先將私朋一項買補不足者方將官領馬價添入餘則留為製備火藥帳房營中公用不肖將備亦有侵收入己者因有此私朋故馬價得有羨餘今臣等公同酌議不如將私朋名色革除此後凡應賠椿銀及多

倒馬匹俱在於官領馬價內通融扣解買補則馬
價已無羨餘可以扣給水師修船陸路弁兵庶得
心服但私朋既除則營中需用火藥無項製備臣
等請按營分此等還當斟酌朕意猶以為未安之大小留起公費糧若干分以為製
辦火藥之用至於水師船隻蒙

皇上明照萬里令武職承修接准部文現在查議臣查
額定修船工料原屬不敷向來道府承修每隻俱
有貼補若武職止可責其承修不能責其貼補臣

擬將領價修造歸之武職仍令原應承修之道府

大員幫助向例已然此議甚是并督撫量加幫貼照依向日貼補銀兩交給武職

湊用若未屆應修年分果係因公巡哨遇風擊碎
片板不存者照例

武職題請動帑成造如止擊損可以修補者責令地方官

設法免其分賠固是因其於已無涉毫不愛惜之弊亦設法幫修如地方官無力督撫公幫免令武職分

賠不可不慮宜嚴加訓飭若並無暴風管船弁兵撐駕不慎或灣泊海港

無人看守以致擊碎者則將弁兵叅處責令武職

於此

尤須處之公當毋令文武弁員致起爭端
獨賠是水師既不得借修船為虧空之由亦可杜

隱匿妄報之弊矣臣等公同酌議是否有當伏候

聖裁謹

奏

覽所議甚當但此係不應具題之事只可爾等督提會
同料理諭令該屬員等秉公奉行耳

雍正二年九月初八日兩廣總督臣孔毓珣謹

奏為欽奉

上諭事竊臣齎摺把總回粵捧到

皇上硃筆諭旨三道一廣東蛋民編立埠次約束一載
貨船隻給以印票稽查一悶香迷藥重立賞罰拏
究臣跪讀之下仰見我

皇上明照萬里民間纖悉無一不入

聖明洞鑒之中臣身任封疆約束蛋民稽查船隻拏究
奸盜實有專責謹將各條逐一立法并諄諭屬員
因地制宜實力奉行以仰體

皇上宵旰憂勤孜孜圖治至意所有奉到

上諭實力遵奉緣由理合回

奏并繳

諭旨三道臣謹

奏

酌量輕重審詳先後徐徐不間為之不可過於嚴急

同日又

奏為奏明鹽務清楚事竊照前督臣楊琳經手鹽務

有新餉舊欠羨餘三項其新餉一項查有康熙六
十一年課餉銀二萬八千兩未完臣於到任後催
收今已全完無缺舊欠一項查有雍正元年應帶
徵舊欠銀八萬三千兩未完今臣亦收抵全完具
疏

題報在案又羨餘一項查自康熙五十七年起至六
十一年止歷年共羨餘銀二十四萬四千七百四
十一兩零俱經起解陝西軍需及湊解京餉訖惟

雍正元年收鹽羨餘據運使萬際璋核造清冊應有羨餘銀五萬一千一百八十五兩零因鹽包存積未銷未能收回實屬有抵俟銷鹽之後鹽價收足即可撥餉亦經臣

題報在案是楊琳任內經手鹽務俱係清楚其原任運使孔興璉庫貯錢糧經署運使廣州府知府宋瑋及新任運使萬際璋清查交代明白造具冊結前來現在具

題再臣前奏楊琳送到冊開發往廣西銷抵康熙六十一年餉稅及舊存鹽包并商人拖欠共計應收鹽價十萬一千八百餘兩請寬限兩年追完奉

旨將原摺交新任廣西巡撫李紱料理嗣經署總督事廣東撫臣年希堯核明楊琳原冊除去中途失水及收抵餉稅之外共未收鹽價八萬六千八百一十三兩零造冊咨送廣西巡撫衙門存案臣到任後已陸續收起銀一萬二千三百九十三兩零抵

過課餉舊欠外未收銀七萬四千四百一十九兩
零內應歸抵雍正元年分羨餘銀五萬一千一百
八十五兩零又應抵還運庫鹽價銀六千兩零尚
餘銀一萬七千二百三十四兩零但內有存貯耗
折及拖欠無追并人工火食開銷俟鹽包銷完之
日除抵補各項外實餘剩若干又廣東省亦有歷
年積下零星未清鹽價臣現在逐一清查俟追完
若干臣當一併具摺恭

進合併

奏明臣謹

奏

如此方見實心任事也朕甚嘉之

諭兩廣總督孔毓珣據奏請於廣東開採以濟窮民以靖地方朕發交廷臣會議知昔年粵省開礦聚集多人督撫奏稱四五萬其實不下一二十萬遂致盜賊漸起隣郡戒嚴是以永行封閉夫養民之道惟在勤農務本

若皆舍本逐末爭趨目前之利不肯盡力畎畝殊非經常之道且各省游手無賴之徒望風而至豈能辨其奸良而去留之勢必至於衆聚難容況礦砂乃天地自然之利非人力種植可得焉保其生生不息今日有利聚之甚易他日利絕則散之甚難曷可不徹始終而計其利害耶至於課稅朕富有四海何藉於此原因憫念窮黎起見諭爾酌量令其開採蓋為一二真實無產之民許於深山窮谷覓微利以餬口資生耳爾等揆情度勢

必不致聚衆生事庶幾或可若招商開廠設官徵稅傳聞遠近以致聚衆藏奸則斷不可行特諭

雍正二年九月初八日兩廣總督臣孔毓珣謹

奏為欽奉

上諭事竊臣齎摺人回恭捧廣東開採礦砂

諭旨一道到臣仰見

皇上至聖至明因利計害非臣下淺見所能窺及臣前摺所請招商開廠設官徵稅之處實屬冒昧今奉

聖諭臣仰體

皇仁如深山窮谷內窮民暫時零星偷採餬口者寬其
禁捕若訪得聚集人多地方文武即撥兵役驅逐
解散再若生事地方則擒拏究治如此分別立法
庶遠方無賴之徒不致聞風而至本地乏食窮民
聊得藉砂易食仍一面勸民守分力田以副

皇上重農務本德意所有奉到

諭旨理合恭繳臣謹

奏

此論猶屬得中但須實力遵奉而行

諭兩廣總督孔毓珣爾任廣西巡撫時與提督韓良輔
會奏大金蕉木等山礦徒地方官不能驅逐添調官兵
防汛今廣西巡撫李紱摺奏有外省無藉礦徒流入蕉
木山隨飭賀縣知縣會同富賀營守備帶兵三路並進
驅入廣東又稱廣東梅崗宿塘等處礦徒梁老二聚集
多人汛兵子弟亦多附和巡檢不能防緝等語據此廣

東既有巢窟雖從廣西暫驅出境亦復何益此關係地方利害爾總督全粵宜會同兩省巡撫提督設法驅除解散毋因前曾奏請開礦少有回護以致慢忽因循且聞所聚礦徒已有名目將來為害不輕非比一二窮民偷採或可法外寬宥斷宜速行嚴禁解散無使滋蔓督撫身任封疆重寄職在戢暴安民如應提調官兵處悉心籌畫而為之不可姑息省事而養癰成患務期地方寧謐以副朕意特諭

雍正二年十月初九日兩廣總督臣孔毓珣謹

奏為回奏事雍正二年九月二十八日接兵部咨文

送到

內廷封發

硃批諭旨一道係為廣西大金蕉木等山廣東梅崗宿
塘等處礦徒聚集之事

命臣會同兩省巡撫提督諸臣設法驅逐無使滋蔓等
因到臣臣跪讀之下仰見

皇上指示周詳不禁惶悚感激查本年六月內據富賀營守備胡起龍賀縣知縣韓牧吉報稱六月初八日有礦徒進蕉木山盜挖礦砂探係廣東宿塘梅岡等村人民現在督率弁兵鄉練驅逐等情臣隨分飭廣西該營縣及行廣東之三江協連山縣各帶兵役驅逐并查拏為首之人解究嗣據平樂協副將王天益報稱千把捕巡各帶兵役分為三路並進礦徒連夜逃散由廣東三岡而去等情臣復

檄廣東之三江協連山縣查明礦徒散匿何處有
無聚集嚴行防範約束在案臣查蕉木山西係廣
西之賀縣東接廣東之連山縣并與湖廣之江華
縣相近因蕉木山出產礦砂廣東附近窮民乘間
偷採驅則散回各家每歲必有幾次即湖廣廣西
之人亦間有在內偷採俱屬附近居民並非遠來
亦非另有巢窟其知有姓名者則係屢次偷礦之
人然畏查拏姓名復更改不常此臣訪得歷來之

情形也至臣初到廣東時因見人多田少冒昧

題請開礦及奉

皇上指示利害明白曉諭臣至今愧悔倘地方有事臣
總督責任更重斷不敢回護慢忽自取罪戾今蒙
聖諭已密訪梁老二蹤跡拏到之日按律治罪并會同
兩省撫提諸臣加謹防閑以靖地方至於宜善司
巡檢黃振孝原不能防緝兼且多事已經撫臣年
希堯會臣咨部斥革合併奏

聞並繳原奉

諭旨一道臣謹

奏

所奏知道了汝言與爾同舟共濟之年希堯甚屬不及
朕意欲更換之

同日又

奏為奏報晚禾收成米糧價值事竊照廣東夏秋之
交雨水充足晚禾茂盛自八月初旬以後雨水稀

少水田收成七八九分不等旱田收成亦有六分
惟雷州府屬之海康遂溪二縣上年被鹹潮湧浸
滷氣未消之田不能種植業經撫臣年希堯

題明水旱田計通省共有七分收成現在米價廣南
韶惠潮肇等府細米每石八錢五六分粗米每石
七錢七八分不等高雷廉瓊等府每石五錢六錢
不等至廣西晚禾統計收成共有八分各府米價
不同每石有八錢七錢六錢不等兩省地方俱各

寧謚理合

奏報臣謹

奏

覽收成米價情形已悉惟宜黽勉吏治以敬迓

天庥

該臣等前議廣東漁船若船式准令寬大恐無
知小人以為海禁漸弛復行販米接濟賊船應
照舊制令督臣孔毓珣奏稱沿海居民捕魚須

在深水洋面欲將漁船樑頭改為九尺設立船
長會同汛兵保結查點不許夾帶器械米糧等
語臣等再議得海洋盜賊出沒靡常其所用米
糧船隻俱取資於內地而漁船往來難保無私
賣米石之弊向來海賊甚為地方之害近年海
洋平靜未必非漁船改小之故未敢輕議改換
且船大則夾帶必多稽查匪易多帶米糧重價
賣與賊船亦勢所必至況小民捕魚為業沿海

地方可以取利不必盡在大洋之中船隻若照舊制即偶有違式偷寬丈尺者非地方官為主即係鄉紳之船為數無多尚易稽查倘一概寬其樑頭則漁船盡為大船可以出洋即可以越境雖分別油飾編列字號而數千餘隻盡出洋面斷難稽查矣或捏稱遭風難回刮去油飾賊人得以行劫陸地四五年後恐亦難保又據督臣奏稱目今漁船私放寬大文武官吏每多

勒索等語夫稽查乃地方官之事今日稽查違式之小船可以勒索賄縱則設立船長之後稽查夾帶之大船亦可受賄作弊立船長之後可以禁絕弊端則今日亦可禁絕矣臣等愚見漁船之式似應仍照舊制但念現有之船已費民力若一槩拆毀改造則小民失業其舊有船隻免其拆毀新造者仍遵定式查禁可也謹

奏

廷議漁船仍照舊式甚是總之海禁寧嚴毋寬餘無善策爾等地方大吏不可因目前利便而貽他日之害當照依此議實力奉行可也

同日又

奏為回奏事竊臣會同提臣董象緯奏覆拖風漁船一案於本年九月三十日奉到

硃批廷議漁船仍照舊式甚是總之海禁寧嚴毋寬餘無善策爾等地方大吏不可因目前利便而貽他日

之害當照依此議實力奉行欽此欽遵臣現將沿海
漁船逐一編查油飾照依廷議舊有船隻免其拆
毀新造者仍遵定式查禁不許寬大并選擇船長
稽查一港船主又責成船主稽查一船水手使各
知儆懼安分守法以仰副

皇上慎重海防之至意又臣前奏將積盜梁亞月等正
法一摺原屬一時權宜振作不敢視以為常今欽
奉

硃批臣惟仰遵

聖諭斟酌事情緩急請

旨而行又陸路將備千把情願在水師効力者令於每
年出洋巡哨時一同演習行走已遵

旨合詞具題又候補道員方願瑛到粵口傳

上諭已一一凜遵所有奉到

聖訓遵行緣由理合具摺彙

奏臣謹

奏

所奏皆是惟貴力行勿懈絲毫莫隱

雍正二年十月二十九日兩廣總督臣孔毓珣謹
奏為恭繳

硃批諭旨事雍正二年閏四月十六日臣齎摺人回粵
捧到

硃批諭旨一道跪讀之下蒙

皇上訓臣料理地方修已治人之道無不備悉并

諭臣不必匆忙逐件徐徐籌計允當再行奏聞臣遵將所知所見事件陸續回

奏恭讀

聖諭內西洋人之安插未甚妥協外來之洋船發放不當可竭力盡心料理欽此查各省居住西洋人先經閩浙督臣滿保題准有通曉技藝願赴京効力者送京此外一概送赴澳門安插嗣經西洋人戴進賢等奏懇寬免逐回澳門發臣等查議臣思西洋

人在中國未聞犯法生事於吏治民生原無大害
然歷法算法各技藝民間俱無所用別為一教原
非中國聖人之道愚民輕信誤聽究非長遠之計
經臣議將各省送到之西洋人暫令在廣州省城
天主堂居住不許出外行教亦不許百姓入教遇
有各本國洋船到粵陸續搭回此外各府州縣天
主堂盡行改為公所不許潛往居住業會同將軍
撫提諸臣具

題其澳門居住之西洋人與行教之西洋人不同居住二百年日久人衆無地可驅守法納稅亦稱良善惟伊等販洋船隻每從外國造駕回粵連前共有二十五隻恐將來船隻日多呼引族類來此謀利則人數益衆臣擬將現存船隻編列字號作為定數不許添造並不許再帶外國之人容留居住亦經具疏請

旨此安插兩種西洋人是否妥協伏候

聖裁再外來洋船向俱泊於近省黃埔地方來回輪納
關稅臣思外洋遠來貿易宜使其懷德畏威臣飭
令洋船到日止許正商數人與行客公平交易其
餘水手人等俱在船上等候不得登岸行走撥兵
防衛看守定於十一十二兩月內乘風信便利將
銀貨交清遣令回國則關稅有益而遠人感慕亦
不致別生事端矣其查貨收稅係撫臣管理臣所
行發放之法理合奏

聞所有原奉

硃批諭旨具摺恭繳并繪香山澳門圖恭呈

御覽臣謹

奏

朕於西洋教法原無深惡痛絕之處但念於我中國聖人之道無甚裨益不過聊從衆議耳爾其詳加酌量若果無害則異域遠人自應一切從寬爾或不達朕意繩之過嚴則又不是矣特諭

兩廣總督臣孔毓珣廣東巡撫臣年希堯提督臣
董象緯謹

奉為欽奉

上諭事案准工部咨奉

硃批諭旨沿海戰船朕意欲歸營員修造使州縣無賠
累之苦而於軍政甚有裨益可速行會議具奏欽此
查地方官承管修造戰船營員多方勒索乃歷來
積弊戰船係營員駕配巡哨身命所關歸令營員

修造自必益加堅固惟是各船修造工料從前題定之價實屬不敷武職止可責其出力不能墊補應將戰船改歸武職修造不敷銀兩仍令文員幫補業經臣等會疏具

題但文職幫補未定數目地方物料價值不等恐將來不無推諉爭執行據布政使圖理琛議將戰船歸營員修造廣肇惠潮四府產木稀少俱從外方買運照題定工料銀每百兩應幫貼六十兩韶高

雷廉瓊五府俱產木植照題定工料銀每百兩應
幫貼三十兩臣等核算確當現在通飭文武遵照
立案因題銷戰船工料止可照原定價值不便將
幫貼數目叙入疏內理合公同

奏明臣等謹

奏

此奏是近日因查弼納修船之奏頗屬妥協現交九卿
詳議議定後由部頒發爾等遵照奉行假若廷議內有

於爾粵省不便處不妨另摺奏聞

雍正二年十二月二十二日兩廣總督臣孔毓珣
謹

奏為回奏事雍正二年十一月二十二日廣東糧驛
道吳烱赴任口傳八月初一日欽奉

上諭廣東產礦之處因礦商聚衆網利窮民不得沾惠
是以未經准行但天地自然之利窮民藉採挖資生
若止二三人或可聽其自便地方官於出礦之處仍

當禁止封閉至海上漁船大半富戶出資打造名為
捕魚其實裝米出洋貿易以至奸宄潛藏盜賊時有
嗣後毋聽漁戶多造船隻船頭式樣此語舛錯前諭甚明不得過五尺五
寸欽此又口傳八月十八日欽奉

上諭廣東海疆重地督撫等第一應留心武備先事預
防文武辦事尤貴和衷文官愛惜兵丁武官愛惜百
姓文武一心百姓安分守法兵丁不致驕縱多事地
方自然得享昇平之福再地方私和人命乃斷乎不

可之事務令地方官審得實情督撫題請定奪當抵償者抵償當開釋者開釋國法昭彰久之命案自少何必以多為諱欽此臣俱一一凜遵理合回

奏臣謹

奏

知道了朕諭大畧如此在爾等封疆大臣仰體朕衷相機合宜而為之但要據實勿隱吳烱乃一庸平才具恐不達時務宜勤加教導令其黽勉非朕嘉獎信用之人

也

正白旗漢軍副都統臣金鐸謹

奏為邊海宜專責協營巡防以重職守事臣查廣東邊海各口岸設立協營防守後又定例使南澳碣石二總兵每歲更換一員以為總巡原欲弭盜安民加意防範也但總巡出洋自欽州至南澳綿亘四千餘里而所帶隨巡微員不過二十人戰船不過二十餘隻未免前去後空顧此

失彼徒有巡海之名究無裨益之實況各口岸
協營於總巡毫無統轄呼應不靈及至地方呈
報盜案協營以外洋瞭望不及例免疎防處分
然臣思既有地名可以查報則屬內地無疑而
協營借詞推諉致凡有疎防叅處不開專汎悉
歸總巡是各協營反因有總巡而廢弛職守也
臣請嗣後竟專責各鎮協營遊巡本管海面加
意嚴密巡查彼此疆界會哨而督提不時稽察

母許偷安怠惰果能上下實心彼此照應則處
處有兵處處有船商民自然樂業又何必用此
總巡倘有疎忽即按其經管地方嚴加處分則
責成既專無所推諉邊海一帶得以永奠矣臣
謹據愚昧之見具摺奏


聞伏祈

睿鑒施行謹

奏

此奏巡海機宜爾意有當於用否詳悉斟酌奏覆

硃批諭旨卷七之一



總校官庶吉士臣侍朝

校對官編修臣馬啟泰

謄錄監生臣羅佑湘